

tit, nec his debebit: in primis cum horum dexterrimo præparandi ritu efficiatur, vt corticis effracta duricie, productus nucleus, vim proferat experimentis certis planè admirabilem. Vt cõstet huc vsq; fossilia & metalla, quæque inter ea nonnullis vel sæuiora putantur, vel penitùs inutilia, antiqui vsus fuisse; vel ijs saltem posteriorum sæculorum pijs doctisq; viris non despiciatui habita, qui eandem cum omnibus cynosuram, in ambiguo cõiecturalis Medicinæ pelago intuentur.



C A P V T V.

Facultates metallorum noxias, si quæ sint, aliorum vsitatorum exemplo demum vel corrigi.

QUod superest, metallorum fossiliumq; nocentes qualitates, rationis rectæ trutina examinandæ venient: tales ne sint, tantæque, vt si in medicinalium remediorum ciuitatem funesti inquilini adscribantur,

D 3 in